

呂帝最虔可立降生之日淮夢

呂帝引一小童云汝家世代行善且知敬信我今將小徒爲爾後曰異日此地當出仙人卽以此肇祥淮甫晤而可立生一生文章事業董宗伯其昌誌載甚詳而晚尤愛道故於在陸園崇建殿宇數重位置悉係夢中指點皆隱寓丹訣之秘至今靈應昭然焉

鄉國歸詠

永濟北郭外明洪武間建

純陽宮工甫竣製豐碑將爲文記之俄來一道士在碑旁移時而去上已有字係瓜皮書深入三分許濕氣氤氳如墨淋漓

道藏輯要

聖蹟紀要

卷

壁集五

曰予自金華謁帝回首陽鄉國暫歸來羣迷未識吾家趣何日重尋闔苑媒今碑在殿內嵌壁上歲久構榑而鋒芒不減至今天將雨則筆畫濕潤眞異寶也

百字碑記

河中永濟縣爲

呂帝故里今呂巷街遺留聖蹟甚多有仙杏及百字碑其碑乃從河水中浮出上有字云本性好清靜保養心猿定酒又何曾飲色欲已罷盡財又我不貪氣又我不競見者如不見聽者如不聽莫管他人非只尋自己病官中不係名私下憑信行遇有不輕狂如無守本分不在人殼中免卻心頭悶和光且同塵俱

把俗情混因甚不爭名曾共高人論碑固石也而隔面對照人
人望之皆能見天相傳以爲珍異云

留題九峯

山西蒲州府

純陽上宮係元脫脫丞相奉勅崇建宮後卽

呂帝祖塋有留題九峯二什實傳已久經臺講師朱象先篆付
焚修李志全刻石今碑在宮內詩曰金鑊灼灼舞天堦獨自騎
龍去又來高卧白雲觀日窟間眠秋月劈天開離花片片乾坤
產坎葉翩翩造化栽晚醉九崖迴首望北邙山下骨皚皚又曰
春暖羣花半開逍遙石上徘徊獨攜玉律金訣閒踏青莎碧苔

道藏輯要

聖蹟紀要

異

壁集五

古洞眠十九載流霞飲幾千杯逢人莫話他事笑指白雲去來

東岱降乩

泰山記載 王母池東舊有蓬萊閣下爲乩在灣曾有乩能崇
人且欲水害一方

呂帝以法降之俄爾石壁上白闢一洞內有

聖像虬每夜朝拜焉久乃飛去內有

呂帝留題曰昔日曾遊此如今九十春紅塵多少客誰是識予
人後歎紹聖戊寅回回翁題又題曰昔年留字識曾來事滿華
夷遍九垓無賴蛟虬知我字永留踪跡不沉埋後歎政和丙申
題王母池北又畫符錄如雙環太極象舊刻題誌甚詳並述有